

Broj: 04-33-4685/23
Sarajevo, 01.08.2023. godine

ZASTUPNIČKI DOM
PARLAMENTA FEDERACIJE BIH
n/p Tajnika

ZASTUPNIČKI DOM
PARLAMENTA FEDERACIJE BIH
n/p Zastupnice Marijane Hrvić Šikuljak

VLADA FEDERACIJE BIH
n/p Tajnika

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 19-12-2025			
Org. jed.	Broj	Priloga	Vrijednost
05/1	-02-	147	/23

PREDMET: Odgovor na zastupničku inicijativu – dostavlja se

Poštovana/i,

Federalno ministarstvo zdravstva zaprimilo je akt Tajnika Vlade Federacije Bosne i Hercegovine sa zastupničkom inicijativom koju je dostavila Marijana Hrvić Šikuljak zastupnica u Zastupničkom domu Parlamenta Federacije Bosne i Hercegovine, a koja je Vladi Federacije Bosne i Hercegovine dostavljena aktom tajnika Zastupničkog doma Parlamenta Federacije Bosne i Hercegovine, broj 05/1-02-147/23 od 27.11.2025. godine.

Naime, uvažena zastupnica u Zastupničkom domu Parlamenta Federacije Bosne i Hercegovine, Marijana Hrvić Šikuljak dostavila je inicijativu o nabavci lijekova za liječenje multiplog mijeloma.

S tim u svezi, u pravitku akta za Vladu Federacije BiH dostavljamo prijedlog izjašnjenja na navedenu inicijativu.

S poštovanjem,

Privitak:
- kao u tekstu



BOSNA I HERCEGOVINA
FEDERACIJA BOSNE I HERCEGOVINE
V L A D A

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
В Л А Д А

BOSNIA AND HERZEGOVINA
FEDERATION OF BOSNIA AND HERZEGOVINA
G O V E R N M E N T

PRIJEDLOG

**IZJAŠNENJE NA ZASTUPNIČKU INICIJATIVU PODNESENU OD
MARIJANE HRVIĆ ŠIKULJAK, ZASTUPNICE U ZASTUPNIČKOM
DOMU PARLAMENTA FEDERACIJE BOSNE I HERCEGOVINE**

Sarajevo, prosinac 2025.god

Temeljem članka 51. Poslovnika o radu Vlade Federacije Bosne i Hercegovine-Pročišćeni tekst („Službene novine Federacije BiH“, br. 6/10, 37/10 i 62/10), a u svezi s čl. 160. i 206. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08), nakon razmatranja inicijative koju je podnijela Marijane Hrvic Šikuljak, zastupnica u Zastupničkom domu Parlamenta Federacije Bosne i Hercegovine, Vlada Federacije Bosne i Hercegovine je na prijedlog Federalnog ministarstva zdravstva, na sjednici održanoj, utvrdila sljedeće

IZJAŠNENJE

Zastupnica u Zastupničkom domu Parlamenta Federacije Bosne i Hercegovine Marijane Hrvic Šikuljak podnijela je inicijativu koja je Vladi Federacije Bosne i Hercegovine dostavljena aktom tajnika Zastupničkog doma Parlamenta Federacije Bosne i Hercegovine za nabavku i uvrštavanje na listu lijekova u bolničkoj zdravstvenoj zaštiti koji se mogu koristiti iz sredstava Fonda solidarnosti Federacije BiH za liječenje multiplog mijeloma, mijelodisplastičnog sindroma i drugih rijetkih krvnih bolesti.“

II

Na postavljenu inicijativu Federalno ministarstvo zdravstva daje slijedeći

ODGOVOR

Članom 3. Zakona o zdravstvenom osiguranju, obrazovan je Fond solidarnosti Federacije Bosne i Hercegovine (u daljem tekstu federalni fond solidarnosti) u cilju ostvarivanja jednakih uvjeta za provođenje obaveznog zdravstvenog osiguranja u svim kantonima, za određene prioritetne vertikalne programe zdravstvene zaštite od interesa za Federaciju, i za pružanje prioritetnih najsloženijih oblika zdravstvene zaštite iz određenih specijalističkih djelatnosti. Time je osigurano finansiranje liječenja najtežih oboljenja za sva osigurana lica u Federaciji BiH pod istim uvjetima, bez obzira na kantonalnu pripadnost pacijenata i finansijsku moć kantonalnih zavoda zdravstvenog osiguranja. Sredstva federalnog fonda solidarnosti se osiguravaju iz doprinosa za obavezno zdravstveno osiguranje i dijelom iz sredstava Budžeta Federacije BiH putem transfera Federalnog ministarstva zdravstva.

Federalni fond solidarnosti je počeo sa radom 01.07.2002. godine. Iz sredstava Fonda solidarnosti finansiraju se lijekovi fonda solidarnosti navedeni u Odluci o listi lijekova Fonda solidarnosti Federacije Bosne i Hercegovine („Službene novine Federacije BiH“, br. 89/13, 74/14, 91/14 i 24/16)

U važećoj Odluci o Listi lijekova fonda solidarnosti Federacije BiH u dijelu “Citostatici sa posebnim režimom izdavanja” nalazi se lijek bortezomib u jačini od 1 mg i 3,5 mg u indikaciji liječenje multiplog mijeloma.

U dijelu liste pod nazivom "Poseban program" nalaze se lijekovi lenalidomid u indikaciji liječenja multiplog mijeloma. U zahtjevima koji su dostavljani od proizvođača odnosno nositelja odobrenja u svrhu revizije liste Fonda solidarnosti dostavljen je i prijedlog za prebacivanje lijeka iksazomib sa Posebnog program na listu lijekova. Ovaj prijedlog će biti razmotreno tokom prve naredne revizije liste Fonda solidarnosti. Za lijek dartinumab također je dostavljen zahtjev za uvrštavanje na listu lijekova Fonda solidarnosti koji će biti razmotren u prvoj narednoj reviziji liste. Za lijekove karfilzomib i pomalidomide nije dostavljen zahtjev za uvrštavanje na listu.

Za lijekove na "posebnom programu" potrebno je da proizvođači Zavodu zdravstvenog osiguranja i reosiguranja Federacije BiH ponude uvjete sufinansiranja i tako obezbjede dodatna finansijska sredstva. Preporučeni sadržaj posebnog programa sadrži lijekove koji se koriste isključivo prema posebnoj preporuci ordinirajućeg doktora medicine, specijaliste određene grane medicine, za odgovarajućeg pacijenta, uz točno utvrđenu indikaciju, način primjene, doziranje, te uz navedenu očekivanu potrebnu količinu lijeka i dužinu trajanja terapije. Uvođenje osiguranika u pravo korištenja lijekova preporučenih kroz sadržaj posebnog programa nakon preporuke ordinirajućeg doktora, obavlja Povjerenstvo za utvrđivanje prava korištenja lijekova iz točke IX stav 2. Odluke o Listi lijekova fonda solidarnosti Federacije Bosne i Hercegovine ("Službene novine Federacije BiH", broj 89/13). Korištenje lijekova s Liste lijekova fonda solidarnosti obavlja se suglasno utvrđenim stručno-medicinskim uputama izdatim od strane federalnog ministra, a u smislu točke IX Odluke o utvrđivanju osnovnog paketa zdravstvenih prava ("Službene novine Federacije BiH", broj 21/09), Pravilnikom o kriterijima, kao i propisima kojima se regulira rad Federalnog fonda solidarnosti. Nakon donošenja stručno-medicinskih uputa uvođenje osiguranika u pravo korištenja lijekova sa Liste lijekova fonda solidarnosti obavlja Povjerenstvo za utvrđivanje prava korištenja lijekova koju formira direktor Federalnog zavoda, uz prethodnu suglasnost federalnog ministra zdravstva, a u smislu čl. 22. i 23. Pravilniku o bližim kriterijima za izbor lijekova, postupku i načinu izrade liste lijekova fonda solidarnosti, kao i korištenje lijekova sa Liste lijekova fonda solidarnosti Federacije Bosne i Hercegovine ("Službene novine Federacije BiH", br. 36/11 i 60/12). Iznimno Upravno vijeće Zavoda zdravstvenog osiguranja i reosiguranja Federacije BiH može u medicinski opravdanom slučaju, a na prijedlog Povjerenstva za utvrđivanje prava korištenja lijekova, odobriti primjenu točno definiranih količina neophodnih lijekova za određen broj pacijenata, a koji se ne nalaze na Listi lijekova fonda solidarnosti, uz uvjet da se nabavka lijekova financira od strane proizvođača lijeka u iznosu od 50%, a sufinansira iz sredstava Federalnog fonda solidarnosti.

U cilju poboljšanja kvaliteta i bolje dostupnosti zdravstvenoj zaštiti pacijenatima u Federaciji Bosne i Hercegovine Federalno ministarstvo zdravstva je spremno da u suradnji sa nadležnim institucijama pruži svoju stručnu pomoć u rješavanju problema u kojima se nalzimo, a sve u cilju poboljšanja dostupnosti lijekovima kako pacijentima oboljelim od multiplog mijeloma tako i pacijentima oboljelim od drugih oboljenja.

V. broj
Sarajevo,2025.godine

PREMIJER

Nermin Nikšić